

ხელშეკრულება N8(გ)UNDP
სახელმწიფო შესყიდვის შესახებ
ელექტრონული ტენდერი N SPA210001603
დაფინანსების წყარო 2021 წლის გრანტი UNDP (პროგრამული კოდი 310903)

ქ. თბილისი

13 ივლისი 2021 წელი

ერთის მხრივ,

სსიპ ეროვნული სატყეო სააგენტო წარმოდგენილი სააგენტოს უფროსის მოადგილის დავით ალადაშვილის სახით

მისამართი: ქ. თბილისი, გ. გულუას ქ. № 6,

საიდენტიფიკაციო კოდი: 204578581.

ტელ: 2753900.

საბანკო რეკვიზიტები: ცენტრალური ხაზინა,

კოდი TRESGE22,

ა/ა GE24NB0330100200165022

(შემდგომში “შემსყიდველი”)

მეორეს მხრივ,

ეკო-ტურიზმის განვითარების ცენტრი, წარმოდგენილი თავმჯდომარის გიორგი გუგუშვილის მინდობილი პირიდ მანუჩარ მოდებაძე სახით,

მისამართი: ზუგდიდი, სოფ. ახალსოფელი;

საიდენტიფიკაციო კოდი: 220415762;

ტელ: 593288628;

ელ. ფოსტა: etdc2014@gmail.com;

საბანკო რეკვიზიტები: ს.ს. „თიბისი ბანკი“

ბანკის კოდი: TBCBGE22

IBAN: GE03TB7205836020100003

(შემდგომში „მიმწოდებელი“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უწევს მომსახურებს სახელმწიფო შესყიდვის შესახებ მოცემული ხელშეკრულების ფარგლებში.
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 ხელშეკრულების საგანია ქვემო ქართლის რეგიონში სსიპ ეროვნული სატყეო სააგენტოს მართვას დაქვემდებარებული ტყის ფართობისთვის ეკოტურიზმის განვითარების სამოქმედო გეგმის დოკუმენტების შედგენის მომსახურების შესყიდვა დანართი N1-ის შესაბამისად;
- 2.2 79411000 - საერთო მენეჯმენტთან დაკავშირებული საკონსულტაციო მომსახურებები
- 2.3 ხელშეკრულებით გათვალისწინებული მომსახურების ტექნიკური აღწერილობა და ერთეულის ფასი მოცემულია **დანართი N1 ფასების ცხრილში და დანართ N2-** რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს - **25000 (ოცდახუთათასი) ლარს**.
- 3.2 პროექტის ფულადი სახსრები განთავისუფლებულია საქართველოს კანონმდებლობით გათვალისწინებული დ.ღ.გ.-ს გადასახადისაგან.
- 3.3 ხელშეკრულების ღირებულებაში შედის საქართველოს კანონმდებლობით გათვალისწინებული ყველა სხვა გადასახადი, რომლის გადახდა ეკისრება “მიმწოდებელს”.

4. მომსახურების გაწევის პირობები და ვადები

- 4.1 სამუშაოს შესრულების ვადა არის სამი თვე. აქტივობები უნდა დაიწყოს არაუადრეს 2021 წლის 13 ივლისისა და დასრულდეს არაუგვიანეს 2021 წლის 30 სექტემბრისა.
- 4.2 მომწოდებლების მიერ წარმოდგენილი უნდა იყოს დეტალური მეთოდოლოგია, საქმიანობის განრიგი, ვადები და საჭირო რესურსები.
- 4.3 წარმოდგენის თარიღი წარსადგენი დოკუმენტები:
 - 2021 წლის 31 ივლისამდე ☐ სამაგიდო შესწავლის შედეგების ანგარიში;
 - 2021 წლის 31 აგვისტომდე ☐ მონაცემების შესწავლის შემდეგ შუალედური ანგარიშის წარმოდგენა, რომელიც მოიცავს სავსე ვიზიტის შედეგების შესახებ ინფორმაციას;
 - ☐ ორგანიზებული სამუშაო შეხვედრების ჩანაწერები/ოქმები;
 - 2021 წლის 30 სექტემბრამდე ☐ ეკოტურიზმის განვითარების სამოქმედო გეგმების საბოლოო დოკუმენტის წარდგენა;
 - ☐ განხორციელებული საქმიანობის შემაჯამებელი ანგარიშის, წარდგენა.
- 4.4 სრული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. თბილისი, გულუას ქუჩა №6, მე-2 სართული, სსიპ - ეროვნული სატყეო სააგენტო.
- 4.5 გასაწევი მომსახურების ტექნიკური პირობა იხილეთ **დანართ N2-ში**.
- 4.6 მიმწოდებელი ვალდებულია გაუწიოს შემსყიდველს უფლებრივად და ნივთობრივად უნაკლო მომსახურება.

5. შესყიდვის ობიექტის მიღება-ჩაბარების წესი

- 5.1 ხელშეკრულების გეგმა გრაფიკის დანართის N3 და შესრულებული სამუშაოების შესაბამისად აფორმებენ მიღება-ჩაბარების აქტს, რომლის საფუძველზეც „შემსყიდველი“ უნაზღაურებს „მიმწოდებელს“ ფაქტიურად გაწეული მომსახურების ღირებულებას.
- 5.2 მომსახურების მიღება-ჩაბარებაზე პასუხისმგებელი პირია **სსიპ ეროვნული სატყეო სააგენტოს უფროსის მოადგილე ნათია იორდანიშვილი**.

6. ხელშეკრულების შესრულების კონტროლი

- 6.1 „შემსყიდველს“ ან მის წარმომადგენლებს უფლება აქვთ განახორციელონ ტექნიკური კონტროლი და/ან მონიტორინგი, რათა დარწმუნდნენ მათ შესაბამისობაში კონტრაქტით გათვალისწინებულ პირობებთან.
- 6.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.
- 6.3 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა შენიშვნის აღმოფხვრა.
- 6.4 ამ მუხლის არც ერთი პუნქტი არ ათავისუფლებს „მიმწოდებელს“ მოცემული ხელშეკრულების სხვა ვალდებულებებისაგან.
- 6.5 „მიმწოდებლის“ მიერ ხელშეკრულებით ნაკისრი ვალდებულებების შესრულების კონტროლს „შემსყიდველის“ მხრიდან განახორციელებენ: **სსიპ ეროვნული სატყეო სააგენტოს სტრატეგიული დაგეგმვისა და განვითარების სამსახურის უფროსი ნათია ცხოვრებაძე**

7. ანგარიშსწორება

- 7.1 ანგარიშსწორება მოხდება ეტაპობრივად, უნაღდო ანგარიშსწორებით ლარებში..
- 7.2 პროექტის ფარგლებში გამოყენებული იქნება საავანსო ანგარიშსწორება სახელშეკრულებო ღირებულების 50%-ის ოდენობით. მიმწოდებლის მიერ წარმოდგენილი უნდა იყოს, საავანსო თანხის იდენტური ოდენობის უპირობო და გამოუთხოვადი საბანკო გარანტია (გაცემული საბანკო ან სადაზღვევო დაწესებულების მიერ), რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.
- 7.3 ავანსის გამოქვითვა განხორციელდება პროპორციულად ხელშეკრულების შესაბამისად გაფორმებული მიღება-ჩაბარების აქტისა და საგადასახადო დოკუმენტაციის საფუძველზე.
- 7.4 ანგარიშსწორება მიმწოდებელთან განხორციელდება ხელშეკრულების შესაბამისად გაფორმებული მიღება-ჩაბარების აქტისა და საგადასახადო დოკუმენტაციის საფუძველზე, მიღება-ჩაბარების აქტის გაფორმებიდან **10 (ათი) სამუშაო დღის განმავლობაში**.

8. ფასები

- 8.1 შესყიდვის ობიექტის ფასი განისაზღვრება ლარებში.
- 8.2 შესყიდვი ობიექტის დეტალური განფასება მოცემულია პრეისკურანტში დანართში N1.
- 8.2.1 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 „მიმწოდებელმა“ „შემსყიდველის“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. ხელშეკრულების პირობების შეუსრულებლობა

11.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

11.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა და გადახდის ვადები განსაზღვრულია ხელშეკრულების ამ მუხლში.

11.3 თუ მიმწოდებელი ხელშეკრულებით განსაზღვრული ვადის ფარგლებში ვერ შეასრულებს ნაკისრი ვალდებულებებს, შემსყიდველი უფლებამოსილია:

11.3.1 შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო ღირებულების **5%-ის** ოდენობით, ან

11.3.2 „მიმწოდებელს“ დააკისროს პირგასამტეხლო ყოველ ვადაგადაცილებულ ან/და ჩავარდნილ დღეზე ხელშეკრულების ღირებულების **0,02%-ის** ოდენობით.

11.4 თუ შემსყიდველი დარწმუნდება, რომ შეუძლებელია მომსახურების მოწოდება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 5%-ს ოდენობით.

11.5 თუ 11.3.2 პუნქტით გათვალისწინებულ შემთხვევაში დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების **1%-ს**, „შემსყიდველს“ უფლება აქვს ცალმხრივად შეწყვიტოს ხელშეკრულება და „მიმწოდებელი“ ხელშეკრულების არაჯეროვანი შესრულებისათვის დააჯარიმოს ხელშეკრულების საერთო ღირებულების 5%-ის ოდენობით.

11.6 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

11.7 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.7.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.7.2 „მიმწოდებლის“ გაკოტრების შემთხვევაში;

11.7.3 თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

11.7.4 საქართველოს კანონმდებლობით გათვალისწინებულ სხვა შემთხვევებში.

11.8 ზემოთ მითითებულ შემთხვევებში „შემსყიდველი“ ვალდებულია აუწყოს „მიმწოდებელს“ ფაქტიურად მიწოდებული მომსახურების ღირებულება.

12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საქონლისა ან/და მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1 „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

14. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება „მიმწოდებლისათვის“ მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

16. შეტყობინება

16.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის ან ელ. ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გადასახადები და დაბეგვრა

17.1 უცხოელი „მიმწოდებელი“ პასუხს აგებს შესასრულებელი სამუშაოებთან დაკავშირებულ ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი „მიმწოდებელი“ პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

18. ხელშეკრულების მოქმედების ვადა

18.1 წინამდებარე ხელშეკრულება ძალაშია ზემოთ მითითებული თარიღიდან და მოქმედებს **2021 წლის 1 ნოემბრამდე**.

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ქართულ ენაზე, ელექტრონულად და ინახება ხელმომწერ მხარეებთან.

19.4 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.5 დანართები თან ერთვის ხელშეკრულებას და წარმოადგენს მის განუყოფელ ნაწილს.

19.6 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მიმწოდებელი:

ეკო-ტურიზმის განვითარების ცენტრი,

თამაზჯდომარე გიორგი გუგუშვილი

შემსყიდველი:

სსიპ - ეროვნული სატყეო სააგენტო

სააგენტოს უფროსის მოადგილე დავით ალადაშვილი

ფასების ცხრილი

1.2 ქვემო ქართლის ტყის ფართობისთვის ეკოტურიზმის განვითარების სამოქმედო გეგმის დოკუმენტის შედგენა				
ექსპერტის ანაზღაურება (1 ექსპერტი x 100 სამუშაო დღე)	დღე	100	153	15,300
საველე ოფიცრების ანაზღაურება (1 ადამიანი x 30 დღე)	დღე	30	130	3,900
2 ექსპერტის განთავსება საველე ვიზიტის დროს ქვემო ქართლის რეგიონში (2 ექსპერტი x 30 დღე)	დღე	60	50	3,000
ქვემო ქართლის რეგიონში საველე ვიზიტის დროს ტრანსპორტირება 2 ექსპერტისთვის	მთლიანი თანხა	1	2,000	2,000
სემინარები / დაინტერესებული მხარეების ინტერვიუები (სემინარების ნახევარი დღე x 2 ჯერ x 20 ადამიანისთვის; ღირებულება მოიცავს შეხვედრების ოთახის დაქირავებას, 1 შესვენება ყავასა და 1 ლანჩზე შეხვედრების დროს)	ერთეული	20	40	800
სულ:				25,000

ტექნიკური პირობა

2020 წელს მიღებული ტყის კოდექსის შესაბამისად, სსიპ ეროვნული სატყეო სააგენტო მიზნად ისახავს ეკოსისტემური სერვისები განვითარებას, აგრეთვე საქართველოში ტყის მდგრადი მართვის სრულფასოვანი სისტემის დანერგვასა და სატყეო სექტორის რეფორმისათვის საჭირო ღონისძიებების თანმიმდევრულად განახორციელებას.

ეკოსისტემური სერვისები მოიცავს საზოგადოებისთვის რეკრეაციული, ასევე ეკოტურისტული მომსახურებების მიწოდებას. თუმცა, ამჟამად გასაუმჯობესებელია ტყის მართვის მრავალფუნქციური პრაქტიკა აღნიშნული მიმართულებით. შესაბამისად, პირველ ეტაპზე, სააგენტოს პრიორიტეტია მის მართვას დაქვემდებარებულ ტყის ფართობებზე ეკოტურიზმის განვითარების გეგმების შემუშავება, რომელიც სააგენტოს დაეხმარება ტურისტული მიმართულებების და პოტენციური პროდუქტების იდენტიფიცირებაში, აგრეთვე, ეკო-ტურიზმის ინფრასტრუქტურისა და მომსახურების განვითარებაში.

ამჟამად, სააგენტოს აქვს მხოლოდ ერთი მსგავსი გეგმა, რომელშიც აღწერილია ბორჯომის მუნიციპალიტეტის საზღვრებში არსებული ტყის ფართობებზე ეკოტურიზმის განვითარების შესაძლებლობები.

პრეტენდენტმა გამოცდილების გათვალისწინებით, უნდა შეიმუშაოს ეკოტურიზმის განვითარების სამოქმედო გეგმა სააგენტოს მართვას დაქვემდებარებული ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნებისთვის.

პრეტენდენტმა უნდა ჩაატაროს გამოკვლევა, განსაზღვროს პოტენციური ტურისტული ადგილები და პროდუქტები სამიზნე ტერიტორიებზე. დოკუმენტი უნდა მოიცავდეს თითოეული ტურისტული პროდუქტისა თუ ინფრასტრუქტურის საწყისი ინვესტიციის ხარჯებს (მაგალითად, საფეხმავლო ბილიკების, ასევე სამთო ველოსიპედის ტრასების, საპიკნიკე-საბანაკე ტერიტორიების მოწყობის).

1. პრეტენდენტმა უნდა განახორციელოს შემდეგი ღონისძიებები:

ამოცანა 1. განსაზღვროს პოტენციური ტურისტული ადგილები ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნების ტერიტორიაზე, დააჯგუფოს/მიანიჭოს მათ პრიორიტეტები კონკრეტული კრიტერიუმების შესაბამისად და შეათანხმოს სსიპ ეროვნულ სატყეო სააგენტოსთან.

ღონისძიება:

1.1. ინფორმაციის წყაროების იდენტიფიკაცია პოტენციური ტურისტული ადგილების შესახებ მონაცემების შესაგროვებლად (ადგილობრივი თვითმმართველობები, მოსახლეობა, GNTA, APA, NFA, ადგილობრივი და საერთაშორისო ორგანიზაციები / არასამთავრობო ორგანიზაციები და ა.შ.);

1.2. ინფორმაციის მოპოვება ხელმისაწვდომი წყაროებიდან, შესწავლა და ანალიზი - ეს საქმიანობა გულისხმობს საკონსულტაციო შეხვედრებს და დისკუსიებს 1.1 პუნქტში განსაზღვრულ დაინტერესებულ მხარეებთან, ასევე ყველა არსებული კვლევის დოკუმენტის ან / და თემასთან დაკავშირებული კვლევების შეგროვებასა და ანალიზს;

1.3. ტურისტული ადგილების (destination) დაჯგუფება - ამ საქმიანობის შედეგად, პოტენციური ტურისტული ადგილები, რომლებიც გამოვლენილია კონსულტაციისა და მასალების შესწავლის დროს, უნდა დაჯგუფდეს კონკრეტული კრიტერიუმების მიხედვით: ადგილმდებარეობა, ეკო-ტურიზმის სერვისის ტიპი, რეგიონში არსებული პოპულარული ტურისტული სანახაობებიდან დაშორება, საჭირო ინვესტიციების მოცულობა, პოტენციური რისკები და კონფლიქტები, რეგიონის განვითარების გეგმასთან კავშირი;

1.4. ტურისტული ადგილების პრიორიტეტიზაცია, სსიპ ეროვნულ სატყეო სააგენტოსთან შეთანხმება - იდენტიფიცირებული პოტენციური ტურისტული ადგილების სია უნდა წარედგინოს ძირითად დაინტერესებულ მხარეებს: ეროვნული სატყეო სააგენტოს შემდგომი კვლევისა და ანალიზისთვის.

ამოცანა 2. განახორციელოს საველე ვიზიტები შეთანხმებულ პრიორიტეტულ ტურისტულ ადგილებზე, რათა განსაზღვროს პოტენციური ეკოტურიზმის სერვისები / პროდუქტები ალტერნატივების მიხედვით და მოამზადოს ხარჯთაღრიცხვა.

ღონისძიება:

2.1. ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნების ტერიტორიაზე გამოვლენილ პრიორიტეტულ ტურისტულ ადგილებზე საველე ვიზიტი. საველე ვიზიტის ფარგლებში მომწოდებელმა უნდა უზრუნველყოს: ა) ადგილების ზუსტი GPS კოორდინატების აღება; ბ) თითოეული ტურისტული დანიშნულების ადგილის დათვალიერება კონკრეტული ეკო-ტურისტული მომსახურების განვითარების დასაგეგმად; გ) ეკო-ტურისტული მომსახურების განვითარების ყველა ალტერნატივის დადგენა; დ) ადგილობრივ თემებთან კომუნიკაცია (ასეთის არსებობის შემთხვევაში) მათი აღქმის / დამოკიდებულების გამოვლენა და გათვალისწინება; აგრეთვე, მათი ინტერესის ან / და პოტენციური წინააღმდეგობის დადგენა;

2.2. საველე ვიზიტის შედეგების დეტალური ანალიზი, რაც გულისხმობს: ა) კონკრეტულ პრიორიტეტულ მომსახურებებთან დაკავშირებული საქმიანობის ხარჯების შეფასებას; ბ) პრიორიტეტული ადგილებისა და სერვისების ვალიდაციას ეროვნული სატყეო სააგენტოს და სხვა მთავარ დაინტერესებულ მხარეებთან; დ) რეკომენდაციები საზოგადოებასთან ურთიერთობისა და გარე საქმიანობის შესახებ.

ამოცანა 3. ეკოტურიზმის განვითარების სამოქმედო გეგმის მომზადება ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნებისთვის.

ამოცანა 1 და 2-ზე დაყრდნობით, უნდა მომზადდეს ეკო-ტურიზმის განვითარების სამოქმედო გეგმა, რომელიც განხილული და დამოწმებული უნდა იყოს სსიპ ეროვნული სატყეო სააგენტოს მიერ.

ღონისძიება:

3.1. ეკო-ტურიზმის განვითარების სამოქმედო გეგმის შემუშავება, სადაც მითითებული ინვესტირების მოცულობები;

3.2. დისკუსია, უკუკავშირისა და რეკომენდაციების გათვალისწინება - გეგმის პროექტი უნდა წარედგინოს საქართველოს გარემოს დაცვისა და სოფლის მეურნეობის სამინისტროს სსიპ ეროვნულ სატყეო სააგენტოს, ასევე უნდა ჩატარდეს საკონსულტაციო შეხვედრა უკუკავშირის მიღების და საჭიროებისამებრ, დოკუმენტის გადასინჯვის მიზნით;

3.3 საბოლოო დოკუმენტის მომზადება - ეკო-ტურიზმის განვითარების სამოქმედო გეგმა, ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნებისთვის, რომელიც ასევე მოიცავს ხარჯების შეფასებას;

3.4. შემაჯამებელი ანგარიშის მომზადება - ანგარიშში უნდა შეჯამდეს გეგმის მომზადების მთელი პროცესი, გაანალიზდეს განხორციელებული ღონისძიებები და მასთან დაკავშირებული გამოწვევები, გამოიკვეთოს მიღებული გამოცდილება, რათა მომავალში შესაძლებელი იყოს იმავე ღონისძიებების განხორციელება სხვა რეგიონებში.

ყველა აქტივობა უნდა განხორციელდეს მონაწილეობრივი სახით. უნდა განხორციელდეს სულ მცირე ორი სემინარი მუნიციპალიტეტებში მოსახლეობასთან კონსულტაციის მიზნით, სხვა ტექნიკური შეხვედრები უნდა დაორგანიზდეს საჭიროების მიხედვით.

კვლევის შედეგად წარმოდგენილი დოკუმენტი უნდა იყოს მოწოდებული ელექტრონული და ბეჭდური სახით, შემსყიდველთან წინასწარ შეთანხმებული ფორმატის მიხედვით.

მიმწოდებელი:

ეკო-ტურიზმის განვითარების ცენტრი,

მინდობილი პირი მანუჩარ მოდებაძე

შემსყიდველი:

სსიპ - ეროვნული სატყეო სააგენტო

სააგენტოს უფროსის მოადგილე
დავით ალადაშვილი

პრეტენდენტი იმუშავებს სსიპ ეროვნული სატყეო სააგენტოს სტრატეგიული დაგეგმვისა და განვითარების სამსახურის ხელმძღვანელობითა და ზედამხედველობით. პრეტენდენტმა უნდა უზრუნველყოს:

N	ლონისძიება	ივლისი			აგვისტო				სექტემბერი			
		16-19	23-27	31-4	7-11	14-18	21-25	28-1	4-8	11-15	18-22	25-29
1	ინფორმაციის წყაროების იდენტიფიკაცია პოტენციური ტურისტული ადგილების შესახებ მონაცემების შესაგროვებლად (ადგილობრივი თვითმმართველობები, მოსახლეობა, GNTA, APA, NFA, ადგილობრივი და საერთაშორისო ორგანიზაციები / არასამთავრობო ორგანიზაციები და ა.შ.);											
1.1	ინფორმაციის წყაროების იდენტიფიკაცია პოტენციური ტურისტული ადგილების შესახებ მონაცემების შესაგროვებლად	✓										
1.2	ინფორმაციის მოპოვება ხელმისაწვდომი წყაროებიდან, შესწავლა და ანალიზი - ეს საქმიანობა გულისხმობს საკონსულტაციო შეხვედრებს		✓									
1.3	ტურისტული ადგილების (destination) დაჯგუფება		✓									
1.4	ტურისტული ადგილების პრიორიტეტიზაცია, სსიპ ეროვნულ სატყეო სააგენტოსთან შეთანხმება			✓								
2.	განახორციელოს საველე ვიზიტები შეთანხმებულ პრიორიტეტულ ტურისტულ ადგილებზე, რათა განსაზღვროს პოტენციური ეკოტურიზმის სერვისები / პროდუქტები ალტერნატივების მიხედვით და მოამზადოს ხარჯთაღრიცხვა.											
2.1	ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნების ტერიტორიაზე გამოვლენილ პრიორიტეტულ ტურისტულ ადგილებზე საველე ვიზიტი				✓	✓	✓					
2.1.1	ადგილობრივ თემებთან კომუნიკაცია, შეხვედრების ორგანიზება (2 შეხვედრა მუნიციპალიტეტებში)					✓	✓					
2.2	საველე ვიზიტის შედეგების დეტალური ანალიზი						✓	✓				
3.	ეკოტურიზმის განვითარების სამოქმედო გეგმის მომზადება ბოლნისი-დმანისის, გარდაბანი-მარნეულისა და წალკა-თეთრიწყაროს სატყეო უბნებისთვის.											
3.1	ეკო-ტურიზმის განვითარების სამოქმედო გეგმის შემუშავება								✓	✓		
3.2	შეხვედრა დაინტერესებულ მხარეებთან - დისკუსია, უკუკავშირისა და რეკომენდაციების გათვალისწინება									✓		
3.3	საბოლოო დოკუმენტის მომზადება									✓	✓	
3.4	შემაჯამებელი ანგარიშის მომზადება											✓